

شو هي VITRINE؟

VITRINE Hannover هي مساحة (Pop-up) مؤقتة لتعرضوا فيها مشاريعكم!

- **لمين هاد العرض؟**
لرؤاد/رائدات أعمال من خلفية مهاجرة من منطقة هانوفر وعندهن عواقب¹ في الحصول على فرص (خاصة يلي من جوات المدينة)
- **شو هو العرض؟**
مساحة (Pop-up) لعرض منتجاتكم و/أو خدماتكم
- **شو المشاريع يلي ما بتضبط:** المطاعم أو خدمات تقديم الطعام، بيع المشاريب الكحولية، المخدرات أو منتجات التبغ، المراهقات أو القمار، النسخ المقرصنة أو العروض يلي بتنتهك حقوق ملكية: الخدمات أو المحتوى الإباحي أو الجنسي
- **شو الهدف؟**
لحتى تجربوا، تطوروا، أو تبيعوا منتجاتكم تحت ظروف حقيقية ومع زباين محتملين
- **التنفيذ؟**
منعطيكم مكان لمدة من 2 لـ 4 أسابيع (قريب من مركز المدينة) لعرض شغلكن، وبيكون معكن بنفس المكان من 1 لـ 3 أشخاص تانيين كمان عم يعرضوا مشاريعهم
- **إمتي؟**
من شهر 7 (تموز) لحد شهر 10 (تشرين الأول) 2026

المشروع جزء من برنامج الدعم 2.0 WIR، وعم ينقذو kreHtiv Netzwerk Hannover

التقديم من هلا لحد **19.04.2026**:

<https://forms.gle/bHCnDE6iMLVL9Qo27>

اضغطوا على رابط التقديم وعبّوا الاستمارة.
إذا بدكن مساعدة أو عندكن أي استفسار، تواصلوا معنا!

ملاحظة مهمة بخصوص اللغة:

التواصل مع فريق مشروع VITRINE ممكن يكون بس بالألماني أو الإنكليزي. إذا بدكن تحكوا معنا بلغة ثانية، لازم تأمنوا الترجمة لحالكن.

¹المشروع بيركز على رؤاد/رائدات أعمال من خلفية مهاجرة ويلي عندهم صعوبات بالوصول للفرص. وبتقصد بهالشي الأشخاص يلي حياتهم أو قصة عيلتهم إلهما علاقة بالهجرة، وبيعرفوا حالهم على إنهم من خلفية مهاجرة، أو بسبب هالشي بيواجهوا صعوبات خاصة لما بدهن يبيلشوا بشي مشروع.

شو منقّم نحنا – وشو المطلوب منك؟

المجال	فريق المشروع	مؤسّسو/مؤسّسات المشاريع
التجهيزات	نحننا منوَقَر الأساسيات مثل: علاقات تياب، طاوالات، فترينات عرض، كاونتر، غرفة تبديل، كراسي، رفوف، مرايا وبرافانات	إنّو بتجيبوا التجهيزات الخاصة اللي بتحتاجوها لشغلكن واللي مو متوقّرة عنا، وهاد الشي بيكون بعد التنسيق معنا
المحاسبة	منوَقَر نظام للدفع بشكل كامل (جهاز دفع بالبطاقة، طباعة فواتير...) ومنشركم كيف بتشتغلوا عليهن إذا احتجتوا	إذا بدكن تبيعوا، لازم تعطوا فواتير (وصل أو فاتورة) وتعملوا حساباتكن لحالكن
مدة المشاركة	نحننا منرتّب جدول العمل النهائي (من 2 لـ 4 أسابيع لكل مشروع)، وممكن يكون في أكثر من مشروع بنفس المحل وبنفس الوقت	إنّو بتخبرونا إمتي فاضيين وقديش بدكن وقت (ضمن مدة الـ 2 للـ 4 أسابيع)
أوقات العمل	منساعدكن إذا احتجتوا ومنمرّ لعندكن عالمحل من وقت للتاني	إنّو مسؤولين عن فتح، إدارة وتسكير المحل على الأقل من الأربعاء للسبت من الساعة 12 للـ 6 طول فترة مشاركتكن
التواصل والتسويق	نحننا منسوَّق ومنروّج لمشروع VITRINE بشكل عام ومنعرّف بكل مؤسسي ومؤسسات المشاريع	إنّو مسؤولين بشكل كامل عن تسويق شغلكن وخدماتكن

شغلات لازم تنتبهولها منيح:

ملاحظة بخصوص البيع ووجوب تقديم الفواتير والوصلات:

أي فاتورة لازم يكون فيها على الأقل: التاريخ/المنتج/الخدمة، السعر والاسم وإذا كان عندك عمليات بيع مستمرة أو بتمارس نشاط تجاري، رجاءً تسجّل نشاطك التجاري رسمياً (Gewerbe) عند مكتب الأنشطة التجارية أو توضّح وضعك (مثلاً عامل/حرة) مع المالية/مصلحة الضرائب وإم كان عندك أي استفسار بخصوص بيانات الفواتير أو الالتزامات الضريبية، يرجى الاتصال بمستشار ضرائب أو بمصلحة الضرائب.

فحص المنتجات:

في منتجات بدها فحوصات أو شهادات خاصة. رجاءً تتأكد إذا كان منتجك/عرضك بحاجة لهالشي، ومسؤوليتك إنك تعرف إذا بدو ترخيص أو فحص معين

أمثلة:

- مستحضرات التجميل والعناية بالجسم (المكونات والعلامات/التصنيف)
- المنتجات الطبية أو المشابهة (علامة CE، ترخيص)
- الألعاب (علامة CE)
- الأدوية والمكملات الغذائية (موافقة قانونية وفحص مكونات)
- الأجهزة الإلكترونية (فحوصات الأمان و CE)
- الملابس (متطلبات المواد والحماية من الحرائق والتصنيف)
- مقاعد الأطفال ومستلزمات الرضع ومعدات السلامة (المعايير/شهادات الاختبار)
- شروط النظافة والاختبارات الخاصة بالخدمات

مراحل التقديم:

المرحلة الأولى: من 01.04 لحد 19.04
فيكن تقدموا عن طريق الرابط وتعيوا الطلب. إذا بدكن مساعدة أو عندكن أسئلة فلا تترددوا لتتواصلوا معنا

مراجعة الطلبات: نهاية شهر نيسان
منشوف إذا مشروعك مناسب لشروط VITRINE ومنرجع منرد عليكم

المرحلة الثانية: أول لنص شهر أيار
إذا مشروعك كان بيضبط، رح نسألكن أسئلة أعمق عن مشروعك وبتنطرح كل هالمعلومات على لجنة التحكيم

مقابلة اللجنة: أول شهر حزيران
اللجنة بتعطي ترشيحات، وبعدها منرجع متواصل معكن

مقابلة شخصية: نص لآخر شهر حزيران
حيجيكن رد من عندنا إذا تم ترشيحك ومنحكي ساعتها بكل التفاصيل وقت المقابلة

التقديم من هلا لحد 19.04.2026:
<https://forms.gle/bHCnDE6iMLVL9Qo27>

أسئلة شائعة (FAQ):

مين بيقدري يقدم؟
المشروع بيركز على رواد/رائدات أعمال من خلفية مهاجرة ويلي عندهم صعوبات بالوصول للفرص. وبتقصد بهالشي الأشخاص يلي حياتهم أو قصة عيلتهم إليها علاقة بالهجرة، وبيعرفوا حالهم على إنهم من خلفية مهاجرة، أو بسبب هالشي بيواجهوا صعوبات خاصة لما بدهن يبلشوا بشي مشروع.

إذا بدي مساعدة بالتقديم- شو بعمل؟
تواصل معنا مباشرة!

عن طريق الإيميل: vitrine@krehtiv.de
أو التلفون: 051176043560

قدمت الطلب – شو بصير بعدين؟
أول شي منشوف إذا مشروعك أو عرضك مناسب للشروط الأساسية تبع VITRINE. ومنرد عليك إذا كان مناسب وبالخطوة يلي

بعدها حتجابوب على شوية أسئلة أعمق عنك وعن مشروعك. وهالإجابات بتكون الأساس للجنة التحكيم لعلى أساسها بيحددوا إن كانوا بيرشحو مشروعك للمشاركة.

مين بيقرر القبول؟

في لجنة فيها خبراء من مجالات مختلفة هي يلي بترشحك أولا لتشارك بالمشروع. وبناءً على هالتوصيات وعلى شروط المشروع، بيُتخذ قرار المشاركة أو لا.

شو لازم يكون عندك / تعمل لتشارك؟

لحتى تقدر تشارك، لازم:

- تقدر تدير شغلك خلال أوقات الدوام (الأربعاء للسبت من 12 لـ 6)
- يكون عندك وقت كافي للفترة تبعك (من 2 لـ 4 أسابيع)
- إذا في بيع: تكون قادر تعمل حساباتك بطريقة مرتبة ومنتظمة
- وإذا كان في داعي، تجيب معك تجهيزات خاصة فيك

شو بيقدّم kreHtiv Netzwerk؟

نحن منرتّب كل الأمور الأساسية حواليك لحتى تقدر تركز على شغلك: تنظيم المكان، ترتيب جدول العمل، تجهيزات أساسية بالمحل، إعلان وتسويق للمشروع، وكمان منأمّن فرص للتعارف وبناء علاقات مع غيرك.

إذا بدي تجهيز خاص (مثلاً كرسي حلاقة)؟

نحن منوقّر بالمحل تجهيزات أساسية (مثل ما مذكور بالجدول فوق). إذا بدكن تجهيزات خاصة أو شي مميز إلكن، لازم إنتو ترتّبوا وتجيّبوا معكن شو بيلزمكن.

وين رح يكون المكان؟

غالباً بمركز المدينة. الموقع بيتحدد بعدين.

كيف رح يكون شكل المكان؟

رح نجّهز المحل بشكل إنو يناسب كذا مشروع بنفس الوقت. رح يكون في مساحة لعرض وبيع شغلكن، وزاوية قعدة للناس لحتى يرتاحوا ويحكوا مع بعض، وكمان زاوية صغيرة مخصصة للتحضير لشغلكن.